



PROCEDURA ZA MENADŽMENT PACIJENATA KOJI BOLUJU OD OVISNOSTI O KOCKI I IGRAMA NA SREĆU

Poglavlje: MENTALNO ZDRAVLJE – PUT PACIJENTA

Datum usvajanja: 14.06.2022

Standard: 6.20.61

Važi do: 14.06.2025

Broj protokola:

Oznaka standarda:

C

Broj stranica: 2

Zakon o sistemu poboljšanja kvaliteta, sigurnosti i o akreditaciji u zdravstvu, „SNFBiH“ 59/05, 52/11, 6/17 Zakona o zaštiti osoba sa duševnim smetnjama SN FBiH 37/01, 40/02, 52/11, 14/13 Pravilnika o organizaciji i radu Komisije za zaštitu osoba sa duševnim smetnjama SN F BiH 53/01 Zakon o zdravstvenoj zaštiti, „SN FBiH“ 46/10 Zakon o sestrinstvu i primaljstvu, „SN FBiH“ 43/13 Zakon o liječništvu, „SN FBiH“ 56/13

1. Opća izjava o politici

Bitno obilježje patološkog kockanja je trajno ili povratno neprilagođeno kockanje, koje unosi razdor u lična, porodična ili poslovna nastojanja. Nesposobnost uzdržavanja od izvođenja neke aktivnosti (nagona) opasnog po druge ili za samu osobu, a obično je popraćena ugodom nakon što se izvrši.

U Zavodu svi članovi multidisciplinarnog tima su uključeni u tretman ovisnika o kocki i igrama na sreću. Članovi multidisciplinarnog tima su – neuropsihijatar, medicinska sestra, psiholog, socijalni radnik.

Cilj ove procedure jeste postizanje maksimalne autonomije i kontrole vlastitih resursa kod pacijenata, uspostavljanje apstinencije sa krajnjim ciljem koji podrazumjeva psihosocijalnu rehabilitaciju pacijenata i njihovih porodica.

2. Područje primjene

Ova procedura se primjenjuje pri Odjeljenju za liječenje Alkoholizma.

3. Distribucija i nadzor

Za distribuciju zaduženi su Šef Odjeljenja, glavna sestra Zavoda

Za nadzor i sprovođenje zaduženi su Direktorica, šef Odjeljenja i glavna sestra Zavoda.

4. Opis postupka/ procedure

Obavljanje prvog psihijatrijskog pregleda, uz uputnicu od strane porodičnog ljekara ili plaćanje usluge, uz identifikacioni dokument, te prvi savjetodavni razgovor sa psihologom i socijalnim radnikom. Dijagnoza ovisnosti o igrama na sreću utvrđuje se po dijagnostičkim kriterijima MKB 10 i anamnestičkim podacima ispitanika.

Po procjeni tima uključuje se u grupne oblike rada. S obzirom na pravila ponašanja u apstinenciji i obavezama koji preuzimaju saradnici neophodno je i njihovo uključenje u grupu.

Grupa je otvorenog tipa, a radi se na principu grupe samopomoći.

Neki od glavnih ciljeva grupnog rada su:

- Održavanje apstinencije
- Udruživanje sa ciljem poticanja osjećaja pripadnosti grupi
- Poboljšanje komunikacije
- Edukacija
- Prevencija recidiva
- Prijem novih članova

- Reintegracija porodice liječenih ovisnika o kockanju
- Prevencija rizičnog ponašanja
- Podrška porodici u osvješćivanju i upotrebi resursa za oporavak
- Vraćanje uloga u porodici
- Otkrivanje, razvijanje i upotreba vlastitih potencijala u nastojanju vraćanja poljuljanog ugleda i dostojanstva.

Apstinencija se, kroz grupne oblike rada, osnažuje u grupno-psihoterapijskom, grupno-socioterapijskom i edukacijskom radu. Akcenat je na socioterapiji, jer njihovu dinamiku određuju grupne, a ne individualne identifikacije.

Liječenje kockara individualno stručno je pogrešno i slabog učinka ako je temeljni oblik tretmana. Individualni rad sa kockarima predpostavlja kratke intervencije i savjetodavne razgovore. Liječenje osoba sa problemom kockanja učinkovito je jedino u kombinaciji socioterapije, psihoterapije i primjene psihofarmaka.

Ukoliko se radi o komorbiditetu sa drugim ovisnostima, po procjeni tima mogu biti primljeni na bolničko liječenje (dnevna bolnica/stacionar).

U slučaju kriznih intervencija i recidiva, a ukoliko izostanu efekti samopomoći i terapijski potencijali grupe, pacijenti imaju mogućnost da se obrate u Ustanovu i u vrijeme dežurstva u cilju dobivanja medicinske pomoći.

5. Revizija ove procedure se vrši svake tri godine, po potrebi i ranije.

Izradio/li:	Ime i prezime / radna grupa	Verifikacija (potpis)
	Vedrana Novković, diplomirani psiholog Fuad Điho, socijalni radnik	
Saglasnost Koordinatora kvaliteta	Magbula Grabovica, magistar zdravstvene njege i terapije	
Odobrenje Direktorica Zavoda	Doc.dr sci.med. Rasema Okić, prim. specijalista neuropsihijatar subspecijalista za bolesti ovisnosti	
Broj revizije:	Datum revizije: 14.06.2022	